

# MO'ERE SALAANDE



**S**ooba'en am lesdi fuuna  
ngewti yam tariiha  
tilimka :

Woodi goddo mo be  
naastini fursina, be kiiti mo  
kiita mbareeki. Nyande feere  
ngomnati lesdi ndi yilli wuro  
maako, o tawi yimbe wuro  
ngo don mofti pellet gootel.  
Nder mabbe, woodi biddo  
debbo, o bii nangaado  
go. O numi yottaago  
laamiido, ngam yama mo  
o mo'ana baaba maako ! O  
susdini bernde, o seeki caka  
ummaatoore duudnde nde,  
ngam yottaago laamiido.  
O dari yeeso maako.  
Laamiido laardi mo daarde  
kayniide. O yami mo : «  
Ko ngidda binggel am ? »  
O jaabi laamiido : « Baaba  
am don nder fursina, don  
reena nyalaade nde be  
mbarata mo. Walaa goddo  
boo meedi suklaanaago mo.  
Mi hebata mo'ere yeeso ma  
ngam ngurtina mo na ? »

Haala ka'a meemi

Ardiido lesdi bee laarugo  
cusal biddo debbo oo.  
Nden o umri be njooftana  
mo baaba maako. Saa'i  
seeda arti wakkati mbarugo  
nangaado, aynoowo suudu  
fursina hebi bataakewol  
iwngol diga ngomnati  
umrangol joofki neddo  
go. Aynoowo fursina sakli  
masin tulli ko wi'a .Ammaa  
bee non fuu, o baditi mo  
o wi' i: « Hey an, a hebi  
mo'ere, a yoofama !  
» Ammaa nangaado go  
nuddinaay haala ka. Ngam  
irin torra ka o yari, o  
numaay yeedugo fahin. Sey  
o tokki joodaago haa suudu  
ndu be kabuno mo.

Nde sooje'en umraabe  
wuringo wareteebe ngari,  
ngurtini mo kanke boo,  
nde be anndaa o joofaado  
no diga ngomnati lesdi,  
sey be ngurtini mo, be  
mbari...

Haala kaa billi biyiiko  
masin, ngam o wadi no

wadete fuu haa baaba  
maako hisa. Ammaa, o sali  
mo'ere nde. Jurumdum  
man, ko limta, dum goonga.  
Koo enen nanbe tariiha ka,  
ka billi en. Na ngam neddo  
oo o maayi, ammaa ngam  
o sali mo'ere wadanaande  
mo.

Du'um don holla joonde  
ruuhinkeere yimbe duudbe  
nder duniyaaru ndu. En  
fuu, en hakke'en yeeso  
Allah ceniido. Aybe woore  
wadaande heedi Allah  
geeto he'i. Taa laato bana  
fijirde. Ngam daliila neddo  
gooto wadi aybe, aybe  
nde sendi en bee Allah  
haa foroy. Pewe, nguyka,  
daakaareeku, mawnitaare...  
kanje ndaaynata en bee  
tagdo en. En mbaawataa boo  
wartango mo bee dabareeji  
men, bee kuude boodde  
e bee farillaaji diina  
kookaye.

Haani keben neddo  
hakkundeejomen bee Allah.

Anndudo Allah, anndudo  
neddo. Hakkundeejo oo  
o wakiiliijo Allah caka  
yimbe. Dum Issa Masiih.

Allah yidi yimbe masin, o  
yerdi wadango en mo'ere.  
Koo nde torra maayde don  
tokko en ngam daliila  
hakkeeki boo.

Naawdum woni, duudbe  
keftaay be hakke'en e  
maayde duumiinde don  
reeni be. Be annditaay  
Allah yidi be, don tefa  
rimdingo be. Wodbe  
boo, don tokko joodaago  
nder fursina junnuubaaji  
muudum'en haa maayde e  
kiita Allah ngara tawa be.

Ammaa seyo woodani  
nuddinbe Allah e jabbe  
mo'ere nde o hokki caahu  
koomoy jabdo nde.

Soobaajo am gidaado,  
haa jonta a jabaay mo'ere  
nde tawon na ? Nde hebete  
haa Issa Al-Masiih.

« Jawmiraawo,  
Allah endoowo, kinnotoодо,  
neeba-tikkereejo, duuda  
hinnuyeejo e goongaaku »

(Gurtaaki 34 : 6)

To on ngidĩ anndugo ko bura du'um malla  
woodi yamde moodon, ndaa no on tawirta min:

**Maroua:** B.P. 98,  
*cb.maroua@gmail.com*  
tél.: 675.004.505 / 695.765.950

**Garoua:** B.P. 510,  
*cb.garoua@gmail.com*  
tél.: 663.822.557 / 698.434.388

**Kousséri:** B.P. 98,  
*cb.kousseri@gmail.com*  
tél. 676.099.969,  
ou 00235-68.02.37.31

**Mora:**  
tél. 660.888.143,  
*cb.mora.massif@gmail.com*

**Ngaoundéré:** B.P. 30,  
*cb.ngaoundere@gmail.com*  
tél.: 695.245.462

**Ngong (carr. Tourwa):**  
tél. 657.271.882 / 691.170.489

**Bertoua:** B.P. 12,  
*cb.bertoua@gmail.com*  
tél.: 696.855.087

et également :

**Bafoussam:** B.P. 1086

**Douala-Nouvelle Route Cité:**  
B.P. 7541

**Ebolowa:** B.P. 98

**Monatélé:** B.P. 92

**Yaoundé-Etoa Meki:** B.P. 4866